

四庫未收書輯刊編纂委員會編

四庫未收書輯刊

北京出版社

拾輯・貳拾陸冊

四庫未收書輯刊

四庫未收書輯刊編纂委員會編

北京出版社

拾輯・貳拾陸冊目錄

南陔草六卷附一卷〔清〕林澍蕃撰

一

翠巖雜稿三卷首一卷〔清〕魯九皋撰

六九

律古續稿一卷集古古詩一卷集古絕句一卷〔清〕吳鎮撰

一一七

大雅堂初稟詩六卷文八卷補編一卷

續稟詩十卷文八卷補編一卷〔清〕鄒方鶚撰

一四三

嬋雅堂別集六卷〔清〕趙文哲撰

四一五

嬋雅堂詩續集四卷〔清〕趙文哲撰

五三三

海愚詩鈔十二卷〔清〕朱孝純撰

五七一

春及堂初集一卷二集一卷三集一卷四集一卷〔清〕方世舉撰

〔清〕林澍蕃撰

南陔草六卷附一卷

清鈔本

維乾隆丙申秋九月初六日

清故承德郎翰林編修侯官林君卒嗚呼哀哉昔亦靈傑命遠疏平棘之封綠錯傳經高議石渠之上國秉光於領聞家課襲於綿世父諱其茂為山陰知縣挑街清禁

棠政流美君以支子為叔父嗣禮也小男彭祖繼張侯之封後子伏恭世齊詩之學君諱樹著字子宣羈貫風

成岐嶷早異馬客卿六歲酬賓黃子琰七齡對日百畝垂蔭擢潭根之初莖九里被潤導靈河之技詩中學心聰上智目成稷嗣藁人穎川涉獵縹素百氏之說斧藻六朝之文既志勵緯蕭亦藝勤緝柳歲乙酉鄉舉中式辛卯成進

士廣森與同榜焉君益通方朔獻書之歲僕初履叔皮著論之年三齒以長執敬雁行六載同官趨陪鵷序因共

朝夕建觀終始君動為善棟禮必關鄣四徹中繩三雜若矩言有壇宇而未嘗臧否於人行有防表而未嘗踳跂

為義嗟乎豈無百驚謬謬者斯希亦有五錐銘銘者必挫偶影難獨衆和易同亭伯階高日倒通侯之履君卿門小

雨沾從者之衣而君耻彼造緇戒於尊亦翹材之館自絕芝帷修刺之家未餐葱葉所謂招之不來麾之不去當

求之於古人鮮遇之於今日者也甲午秋試奉詔為浙江副考官一封軺傳八月輟軒回選儒臣誰差多

士君提衡允望砥節首公竿牘不行苞苴無謁耕柱遊

楚遺金莫受正禮在梁餉錢為怒是以陸賈南使未有千金之裝貢禹西征先賣百畝之產介性之所至殊已端操

之所立尚已君室如懸罄家唯祇祠董少平之敝車揚子雲之儋石質豈非病憂能傷人重以洗馬神清侍中體

弱自分職三閤典司四部編削既勤員程無曠心深力淺簪短帶長遂嬰戚於伊年卒沉絲於美疚三門九宅無還

築蓋之凶林君寓宅於九宮法開絕命門同年翁芳功嘗言之君曰福建人不信風水也五苦六辛莫覘劇易之效至於眠繭啓足之際屬統聽息之辰清

明在躬乎度無改發言不及於先令內顧靡戀於妻子死生有命不其達歟然而少婦零青高堂戴白遺孤在腹難

入為熊羆女扶牀未占射雀中即有玳瑁家緒之可傳當戶生陵廣將軍之有後情淵不竭遺恨終多溫序死而魂

欲歸荀偃沒而目猶視嗚呼哀哉廣森與君居嘗連坑行亦離載志協棟簾言投水石三年之字未減於懷袖九

言之贈猶存於巾篋而永辭官牒遽執鬼中樓人亡而輟介鍾子逝而息引寢門之哭於禮斯宜宿草之慟非子誰

為况君本霸孤樞將歸臺丹旒一去白雲千里寄縹緲二足空冀於往招過陳三步有待於他年尤離合之殊感朋

友之極艱也禮謚以易名諱以表行爵非有謚諱何作焉

然文中貞節青簡有私謚之法孝若仲武黃門多述哀之詞敢援斯義而為之誄曰

金龜北轉王衡西遷小榆北節長柳占愆芳董季秀朗璞摧堅嗟我良孰值此周年嗚呼哀哉貧瘠前躬官勞爾心南瞻孝永北出憂深偏枯倍劬嫗何斟懷才但化齋志湮沈嗚呼哀哉美製琴華殊裁韞櫝一睹云亡十典誰續聽笛嵇鄰鳴琴阮曲繼杖舍悲察寒隕爰嗚呼哀哉牀塵鼠迹庭絕驢鳴誼親羊左痛感殤彭仰念民母旁瞻俊兄魂歸閬海形滯燕城嗚呼哀哉道布垂筵國車在砌京兆新阡西州舊第遺像窈冥精靈髣髴楚挽流聲蘭交洵涕嗚呼哀哉存亡隔世哀樂中輟孰愚而壽或夭而賢天道如此予復何言 于宣逝矣逝矣 于宣嗚呼哀哉 年弟翰林檢討曲阜孔廣森誄言

清故翰林院編修林君墓誌銘有叙

賜進士出身

誥授中憲大夫見任翰林院編修四庫

三通兩館纂修官日下舊聞考國子監志兩館總纂官大

興朱筠撰并書

敕授徵仕郎內閣中書舍人龍溪李威篆蓋

乾隆四十有一年秋九月編修林君以疾卒於京師琉璃廠之曲巷邸舍京師士大夫之賢者哭且惜之曰林君年少有立嚮學問能文章宜勿死其死也耶其死也耶君同年友曲阜孔君廣森哭之尤哀既為之誄詞足以傳君復來言於筠曰昔東漢慎陽黃憲不及壽而卒其行不著見

賴諸儒交口稱之比於顏氏之子以傳今林君賢而夭死非若先生者為之古文詞以銘諸墓石懼將泯焉筠曰嗚呼謹按君姓林氏諱澍蕃字于宣福建候官人筠初識君在乙酉冬君與兄喬蔭同舉於鄉來應禮部試時初余弟石君官福建糧驛道兼攝福州府府試童子十人異等者入之書院而君兄弟名在十人中君年最少後石君以先大夫服歸而君兄弟並獲鄉舉來謁并謁筠筠是時知君美士也既報罷復來已丑罷歸會筠庚寅主福建鄉試試畢徹閣即館認筠於館中執手相見輒命酒時筠病瘧不能飲酒為君彊飲酣嬉十日而別去時君走送筠舟中後

送者佇立久之乃去筠與君之交於是深也冬筠還京師明年春君復至就筠語日無間已而君成進士 朝考第一人選庶吉士其冬筠出使江南君來送筠幾不忍別癸巳冬筠罷使還入為翰林君先已授職同在館中載酒相從問字甚樂甲午春三月偕君及羣賢數十人出永定門會飲於何氏墓樹之下為送春之詩君詩曰春光苦少情苦多又曰却立顧盼貞松柯酒闌起指松樹謂筠曰樹著不能與先生永今日之歡如此松樹何相與遷延登車而去筠於時愀然而歎君之用心之深也其年秋君奉命為浙江副考官來辭曰先生何以教我筠曰斯行非徒

校文乃校士也君謹視讀書之文斯士矣君曰謹受教時所知或有以他詞請君悉峻謝之是年浙江號得士試畢復命 上顧語曰若好翰林也君之在館也職業之外無所知院長文華殿大學士金壇于公慕君名從容謂君鄉人曰翰林老先生不能一枉過老夫耶數言之以告君君曰長者愛人以德胡僕僕私謁竟未嘗一往筠聞之謂君曰君乃讀沒點傳大將軍有握容語熟耶君笑謝而已君之所守又如此焉呼君竟死矣君生乾隆己巳年十二月十一日卒而中年九月六日年二十有八君年儀秀朗眉目如畫而其行端正芳潔雖病甚必起危坐比卒無憾

語其天質美然也曾祖東中康熙庚午己卯兩科副榜貢生祖贊龍雍正丙午科五經舉人壬子充浙江鄉試同考官所生父其茂乾隆丙辰 賜同進士出身浙江山陰縣知縣君出為叔韶後君少孤所生母鄭教之詩故君之詩以少成君既入翰林祖暨所後父並 贈如君官祖母暨所後母並 封安人妻陳氏君未病有娠後君之卒一月而生遺腹子貴後生二十日殤嗚呼銘曰余弟石君告余惟君之壽以唐氏法曰日下乙亥二酉丑狀冰雪中梅花之秀生開海涯麻花開金辛代之壽可得哉余曰信斯言君行潔以芳花幽幽兮情之長較實殊肉嗜兮眾甘牛羊君之臭味芳君子嘗今其已矣余飢而怒曷可忘

乾隆四十有二年秋七月二十有二日撫勒上石

南陔草卷一

中秋夜步 慈大人韻庚辰

秋來佳氣遍林園長嘯西風酒滿樽好詠霓裳賦天姥寒
光如水照清魂

良辰美景莫蹉跎對月啣杯興若何我欲乘風便飛去桂
花香冷散金柯

松菊初開將運秋不須勝伴覓羊求閒居此日荆門裏卻
盡塵囂散盡愁

落葉次育萬兄韵

便覺秋深樹改柯成陰結子歎無何蒼葭浥露愁俱老塞

草連天病較多夢攪松窓寒雪打路迷山徑野樵過祇應

古幹西風裡惟悴烟光映綠莎

更添秋士幾愁思作客登樓日暮時慘綠空懷年少景昏
黃無耐歲寒枝可憐鎮日隨流水底事佳人在寄詩一種

淒風怨搖落會情祇有候蟲知

秋風吹送薄寒來影入江湖烟霧開弄柳聲中多異響平
沙雨後見殘堆洞庭潮落年年冷臺府烏啼夜夜哀好待

陽春發新綠暫時蕭索莫相猜

恰比孤舟一片輕茶烟禪榻與同清月寒三運迷濛影雨
洗千林斷續聲病態卻憐蓬與梗遊踪合是水中華閉門

幾度殘秋後入夜涼颼最動情

寒夜

日暮澄霽色蕭蕭紅景闌明月滿庭中流照忽已團露垂
草光薄葉下林影單殘漏斷踈滴暗蟲響餘酸亭午對無
風清暉悄然寒我心亦虛白對此胸懷寬欲寐未成寐閉
門書自攤青燈照顏色古道相盤桓會當開鷄舞投之向
雲端

九日登烏石山 辛巳

早是三秋冷憑高野望分洗空塵滿袖行有氣凌雲青鬢
黃花健紅顏綠酒醺醉登天尺五長叫武夷君

險窄城南路攀躋驚客心眼中空夕照衣上帶秋陰鳥道

杉松迫人烟橘柚深凌霄臺最古振策一披尋

九點知何處蒼茫俯六區石崩雲勢急山斷樹陰孤野色
高秋盡涼風病骨蕪興酣長嘯咏不為避催租

石角人俱瘦斜陽山倍幽數聲樵斧暝一片客衣秋 二 六

催清興行吟未倦遊相期且歸醉晚色下梧楸

梅花

小園一夜濃寒結古樹梅花風冽冽橫斜幾點入曉疎露
出芳心便清絕初看寂寞黃昏裡嫩蕊無人自點綴簾外
霜月色虛樓頭夢繞蕭聲徹亭亭瘦影伴高人老幹霜枝

俱皎潔乃知造物如有意結根恥與凡卉列不教流落蒙
市塵自有聰明水雪山澤之癯瘦且狂如君豈肯因人契
寄語當年作賦人花原無媚心如鐵

冬齋即景

冬景冒林園茅齋亦蕭索沉沉寒色至冉冉吹林籜宿霧
曉尚深棲烟晝自落黃葉風蕭蕭日影疎以薄空庭無人
踪屋梁巢鳥雀歲暮亦已盡感懷果何托永思張仲蔚蓬
蒿守寂寞

送春 甲申

闌干十二最迷人愁思無端逐暗塵今日暖風殘照裏落

花又誤一年春

杜宇聲中日易斜無情流水送年華隔窓知有人憔悴不
卷珠簾看落花

踏青人去裙腰綠欲上高樓眼更遮日暮東風回首望盡
橋芳草又天涯

最易魂銷是別離况牽春緒柳如絲小園愁入深深夢猶
似花間病酒時

遊仙

皓皓曜靈景周流常易殘朱槿僅日及松柏空歲寒人生
亦如此安能駐紅顏我欲折若木路遠嗟漫漫臨風拂其

華但苦無由攀不如飲絳雪覓取七返丹

冥海有巨橐商山有紫芝祝餘與丹木服食堪療饑我生
本無累澹然松鶴姿渺渺清風生溶溶雲氣滋招隱已自
尚遺世庶可期存虛德之門洞瀆隨所宜回首人間世束
縛良足悲

天上玉京子乃是安期生賣藥東海畔千載長遊名夕餐
露華氣朝採日中精連翩駕鶴騰放志追鵬程相送瑤臺
上吹我叢霄笙飛揚三兩曲天際聞清聲可憐空中去仰
望歸蓬瀛

我本世外人愛此州霞嶺超然塵網中一生杳無跡石屋
瀑紫琳玉田種白壁凌波泥瓊漿登山採瑰珀虛心對冥
理道氣含精魄不殊巢許倫永謝冠裳客元妙良足多悠
悠泥土隔

仙居貴寂寥古洞深且廣翠袖峭千尋青松高百丈下有
童顏翁雲卧披鶴氅不知幾何年眉目更清朗龍泉開石
門月色照遐想石髓日應生靈芝日應長終年不見人孤
影自滌蕩長嘯碧山空閒雲獨來往

海上三神山方壺與蓬萊巨鰲倚波浪萬歲成崔嵬僊子
起層樓凌晨閣闔闢煉藥飲六氣沉醉飛霞杯馮夷夜起
舞豐隆晝書裴回荷蓋凌雲翔桂旗因風迴逍遙汗漫賦荒

忽冥筌排長年過靈椿與世無疑猜

行行崑崙山澹蕩澄心懷清興忽然發排空乘帝臺登高

望青鳥萬里西風來振策隨之去滿地無津涯岩巒嘖紫

烟海水揚黃埃長空一起舞脫若遺形骸精彩飛九霄頤

令羽翼開安能久拘囹囹囹隨蒿萊

深林蓋秀峰下有薜蘿影明月映流泉冷然涼清景公道

凝倍寒乳竇流更靜杖行其間但見衣裳冷道逢綠髮

仙長歌度遠嶺澹澹天無雲此情自能領

朝日駕紫鳳直落滄海區迴風何茫茫四顧清影孤真人

會靈瑣竊馭登金樞我馳三清驪共乘八景輿逸足渺雲

堦放懷凌天衢上元啓瓊笈玉女捧帝靈願此十洲勝倪

視五嶽圖優游斯極樂且止扶桑鳥

登陳氏見山樓晚眺

百尺高樓上臨空具曠觀心隨孤鳥滅坐久一身寬山色

餘平野烟光落暮寒西風殘照外獨自倚危欄

秋日過荔水庄二首

露凝遠烟白雁下秋山冷汀渚帶微波葭蘆拂清影蕭蕭

颯氣散漠漠游氣靜乘興迹屢迷耽坐忘自領聊此任徘徊

何何殊輞川景

幽人坐高館心緬地彌曲行逕滿蒼苔時載往來躅山明

識天曙景淨知秋肅近郭遞霏雲遙村映古木嵐光磨情

性泉氣通心目對榻翻羣書移樽近修竹我心適無事相

對共幽獨

溪行雜詠

蒼蒼巖樹望來重路入溪橋千萬峰怪底泥人衣上濕曉

嵐晨露一時濃

空江渺渺綠於油風送蒲帆一葉浮兩岸青山行不住那

知身在木蘭舟

雲淡天光一水平五更斜月棹歌散溪風吹漲夜來急進

客未醒舟自行

白沙水淺魚鱗鱗白沙渡頭人渡津沙禽背紅却飛去一

片岸濶空無人

露冷烟深江樹稀孤舟夜泊檣聲微平沙江上寒蘆渚一

夕西風白雁飛

天際歸舟隔一程寺樓水驛自相迎覺來夜半吟詩處盼

斷疎鐘第幾更

聞雁

秋信忽聞雁蕭條江渚波風酸一片響月暗幾群過鷺客

淚如許遙關情若何寒蟲共悲角那及此愁多

感懷

凜凜歲云冬沉沉日易夕閒居幾何時霜露忽已白涼風披綠階庭樹鳴策策葉蕭蕭林飛鴻矯長翅歲暮無所見景物異疇昔感時將誰思愁憂動心魄

澤蘭被幽徑灼灼揚春姿紫莖耀素質綠葉含朱蕤歲時不相待忽道霜風吹榮華有更變藜藿空雖披嗟哉四節盡寒暑如奔馳美人獨不留遲暮傷佳期

浩浩海中潮滔滔山下泉人生促年歲一往無復還今我不為樂安知來日難揮鞭走大路遊此伊洛間經過五都市停策臨四闕王侯列鐘鼎第宅羅衣冠雅舞長袖揮絲弦纖指彈良會誠得意放懷將盡歡

京都何濟濟顯耀咸陽中五雲起雙闕白日燦紫宮金張逆逝安田實選經從冠蓋日遮道車輪逐相通由來繁華子馳驟超王公勢位已附驥聲名更攀龍紛紛王門客吹竽托長風

平生重意氣自命慨且慷袂邪長安路結客少年場賓從日已盛置酒臨清觴朝隨博徒飲暮宿屠狗鄉驅馬從所至行行至大梁宴遊匪終極射獵方未央平原宋鵲走天宇蒼鷹颺依微睢靈夕還復歸高堂炮炙膳中厨絲竹喧聞房時竟賓客散各已分炎涼千金牀頭盡回首徒歎傷

迢迢高樓上四面窓疏斜和風拂初起流景煥綺霞妖女閑且麗顧盼傳清歌揮袂卷素葉微吟動金柯輕裾似長烟舞袖揚春華金環束皓腕翠佩舒綺羅藹藹芳澤繁冶容紛流葩但感歡樂散年貌倏以過

蕭蕭曠野中樓臺屹相望墟烟畫樓宿棟宇空依昂鳥雀巢其間蔓草生高堂當年富麗者將樂爭久長千歲既已盡居處亦已荒昔為絃歌館今為正壠場林木為人鋤王砌成周行遊子不敢上鬼燐時飛光開門見廣路萬里何茫茫惜哉身前樂逝後誰悲傷

輕鴻戾蒼穹海上絕回顧鵬鵠飛秋天一去杳雲路胡為爾挑蟲擾擾竟何慕飲食空相營生命若朝露海中有建木可以忘旦暮

吾慕廣成子遺身志顯榮抱此九霄志曠若萬古情空同詣黃帝所諧皆至精含虛契要妙玄感歸沉冥仙道本足貴元化誠可經悠悠千秋歲五龍抱奇齡

丹谿數百生雲螭泳以游飛鸞集縣圖靈輦戴環洲仙若行其中聚散隨輕舟餐霞漱沆瀣雲日相悠悠髣髴縹緲間冲虛汎若浮自非紫烟客安能奄嬉遊

伏劍出四海荆榛梗荒蕪茫茫六合內大道何由舒鼓駟一起然戾止無人區橫行離天網彷彿見靈樞長空激蒲

牢洪流振天吳高舉殊自得遠跡如凌虛行行正中道回首望神都水霜蓋天地極目良歎歎

驅車入秦關顧視吹簫臺樓閣剩遺址倦人何有哉歌管無清音鳳凰長不來浮雲自凝滯故土成蒿萊空釜未可接仰望徒徘徊漢武與燕昭千年嗟土灰

蟪蛄匿土壤鳴聲何唧唧鶯鶯翔藩籬尺寸憶得食豈不慕雲程微區無長翼滄海求神仙靈壽未可得浮生若隙駒所貴在達識世途多岩險人情易反側人間白鶴飛企望長歎息

宇宙布大網四野相網維寰居紛衆禽習習不得飛莊生

感神雖粟林致自疑屈子歎爰居樂奏情有違二士誠曠達所在寄遐思何當一生死脫畧誠不羈

振衣起徘徊言登千仞岡俯視流水急仰觀浮雲忙落此隱波派飛禽薄穹蒼乾坤一氣中混沌歸渺茫空虛冒太盍旋轉回陰陽萬籟激天風杳雨吹衣裳一身輕且小四海何其長

宴居覽大化厚生念悠悠氣數更變易物理相周流觀魚識惠施夢蝶忘莊周乃知冲虛子入機感濶濶安得湛存妙千載歸浮休

阮公識最密至慎似理照登高懷永歎曠觀托長嘯陶令

解形神飲酒復歌妙北窗傲羲皇南山展游眺共抱千古心還歸至人羅余懷愧虛白彼美孰同調

大運有遷轉俯環迤相因四節雖易盡冬過迴青春六龍及濛谷既暮還復晨我身獨胡為奄忽過良辰顏貌若朝槿一老難共新萬代更翻覆賢達誰能臻感彼雄雀飛波濤變其身人生不能化慨嘆傷古人

庭樹含幽姿奇芬艷初發秋風吹嫋嫋生意還銷歇絕代有蛾眉皎潔似團月高義張不諧良辰恐沉沒偃蹇華年衰此情竟誰達

去者若流水來者如浮雲俯仰一世中直視皆絲絲歲月

逼人來萬事亦暫分凝霜結蕊雪回森起塵氣蟻蛄鳴草間征雁索其羣節候已殫盡安得長青春古之達士輩愴志傷心神閱歷經此境凄然感風塵華髮為之白遂以過一身閱人信成世斯語在昔聞

朝出城北門去去涉古道涼颼振千林寒露沒百草我行至此間四顧但皓皓翔鳥寂無聲高飛入蒼昊天為晝陰冥樹為立枯槁遺塚已荒殘豈碑亦傾倒生人若秋葉孰是長少好立名須先驅無為待醜老慷慨執鞭策努力以自保

齊景登牛山慨歎淚沾臆羊公對峴首披襟長太息情感

雖則同所異功與德千駟良非寶去後人不識已無金石
壽遠愧首陽側十載襄陽碑墮淚匪終極

是非千萬端得失有定處孰是在生前而無身後慮顯榮
貴一世既沒少人顧貧賤成終身乃得長令譽絲絲品累
中新者或倖故富貴良足憫輕如草間露

庸夫冒尊寵下士謀其身自從末俗來氣節久不伸牢石
綰印綬門第榮周親史公傳貨殖感慨垂後人士氣復如
何大雅日以湮感彼夷叔餓西山抗清真

夙昔慕恒修眷言守志氣放覽希古昔自謂頗堪恃所嗟
世之人疑惑多所異欲盡變初心依首事生計級蘭結胡

絕不解學誦媚懷抱今古心此中有深味

禮疎人所怪辭拙衆所嗤退藏以含然將為流輩欺蘭蕙
生空谷何人見芳姿窮居卷素抱興俗各異宜稟氣實家
諧或謂吾真癡吾癡諒可守我志未敢移

鷄鵠含巧舌鵲鵲亦善鳴鄙夫有利口正直無世情今色
世所重諛詞能蔽明所以賢達士常為此輩輕魯客資高
冠無為適蠻荆物尚有如此棲棲何所營

曖曖天上雲翳翳山木枝枝或陰愈密雲浮遮赫曦將欲
望天宇陰氣無陽輝本枝有疎漏浮雲掩蓋之宵人相回
護君子遭詆訾豈不異上達所處位則卑董公正大道主

父還傾危買傳抱奇才絳灌亦已疑寧無聖明主說口良
可悲

宋人寶燕石謂若天下珍下氏守荆璞見棄如埃塵辨器
良獨難衆偽固難真自非知己遇焉識玉與珉

騏驎出冀北日日行千里益車無知識坎珂不復起中道
觀孫陽悲鳴動心耳前為羈絏拘感激對君子但願脫霜
蹄奔塵雲霧裡君看燕臺上駿骨重若此

鴻鵠起四海決絕何翩翩抗志雖咫尺揚聲疾雲烟問爾
何由能羽翼有自然幸因秋風便送我升重天重天曠且
渺俯視窮山川可憐九鳥羣羣促空留連

南山有松柏柯幹何其新以似棟梁材及此霜雪親嚴威
日相撓龍鳳方有神乃知抱音節不在迎青春飄風動萬
里壯士提一身豪氣若追電慷慨長絕塵始信平生守閱
歷多苦辛

壯夫尚氣立志在四方撫劍遠行遙人節思自壯威壯
虎符勇武龍鷹揚忠烈不顧私氣壯垂邊場從來置身者
報國扶大綱魂為山海神魄為日月光人生孰不死得所
終有常

灌夫壯烈士少小負奇志揮劍敵胡兵咄嗟後讐計使酒
非所病罵座獨豪氣生平薄田蚡豈識有權貴不學鄙夫

等反覆趨勢利

西京重功名節操久不舒
衛霍事權富孔匡亦迂儒
惟有蓋次公忠國真丈夫
慷慨托酒狂許伯誰能拘
衆賓既歡聚仰屋長歎歎
閨人朱門內歎息傳舍居

達人信知命君子終守常
誰謂全軀美偷生誠弗良
郭璞固明道妙象理自彰
抗志俟命盡安能屈豪強
豈不達形解存其方雖云鍛
鸞翮撫琴多激昂生理非可恃
正命夫何傷

冉冉孤生桐森森在巖谷
亭亭翠幹樹樹少回曲
挺秀無傍枝鸞鳳自棲宿
結根高岩中何必附衆木
寧與葛藟

蔓托陰藉連續

相逢長安市車馬交橫馳
長安少年借問誰家兒
夕宿丞相府朝與將軍隨
幸蒙主人恩居上而不疑
兄弟三四

人詔冕與駸駸

出門一時迤里路生光
輝僚友十餘輩朱輪披錦衣
逍遙咸陽橋觀者如霧飛
傍人爭稱羨衆客相因依
一朝勢權去盍散無所歸
楊子數岐路墨氏悲素絲
當年翟廷尉遭遇良可嗤

白日沉崦嵫微雲動涼風
四五圓景缺雜星滿長空
佳人悵遠夜獨立耿耿中
顧念平生歡夢想疑光容
馨香無人

顧倏忽經秋冬蕩子如流
焱漂散無定踪人心非草木
安能隨轉運

萬物情有托俗尚安能齊
鳳鳥失高梧不如巢燕棲
籬根種松柏蕭艾何萋萋
用才誠獨難捷足趨近蹊
屈子良可歎習鳥遷塵泥
徒懷矯修意遲暮空悽悽

柳塘春泛圖

漁船曉泛滄波綠柳色青青
映江曲兩岸垂絲拂釣蓬
一江翠影搖空綠綠陰千轉
送人行此景依稀畫不成
春潮昨夜桃花滿無數烟中
搖舫聲

登鎮海樓

佇立倚高樓天空爽氣流
孤城三面合滄海一杯浮
魚道分甌越人烟界女牛
蓬萊如可望吾欲挹浮丘
此地稱雄鎮真堪歷斗參
烟雲自迴抱河漢日浮沈
設險千秋事登高萬里心
長風天外到為我助悲吟

生平禪處茲對此亦稱奇
地澗潮聲近城虛塔勢危
千畦絳繡錯萬瓦見鱗差
時有蛟龍吼清飈颭颭吹

振衣千仞上眼界絕塵囂
日落孤雲起天寒一鳥高
風聲搖耳目酒氣洒江濤
獨立蒼茫處應思跨海鰲

詠牡丹和育萬兄韻

榆莢風和柳絮塵初省
拂檻露華新六朝金粉多添恨
二

月韶光暗動人燕乳鶯啼嬌暖蛇班香宋艷似耶真最宜
占得繁華景富貴由來屬九春

游絲裊裊撲輕塵都換陽和霽色新百寶欄邊初帶露四
香閣外更無人靚粧艷處嫣然笑意態濃時淑且真恰似
玉樓猶未嫁錦茵花貌正芳春

洛陽春色逐紅塵玉珮金裙冉冉新遠夢自應隨彩筆前
生原合是仙人倚粧飛燕渾無力落墨徐熙為寫真怪得
絳羅高捲處一枝濃艷不勝春

紅袖依稀乍拂塵紅粧泣露倍清新花如解語應傾國我
見猶憐彼美人近日好風香暗度湘幃粉壁景偏真東園

著意加渲染一捻胭脂一段春

悼牡丹再和前韻

數里芒鞋踏軟塵紅顏憔悴數非新空教杜牧尋芳樹已
遭文通作恨人多病多愁愁好景自開自落本天真只應
惜恨看花客辜負香魂一片春

那堪生意萬流塵佳麗空過淑景新怨粉零香無限思遺
釵墜鳥可憐人紅暎淚濕情誰遣紫玉烟銷夢未真無奈
先期搖落盡不禁二十四番春

任教泥土與埃塵風韻猶多體態新嬌炬灰殘應有淚香
燼心盡更留人可知頃刻文章假莫道繁華色相真悟是

臨空天女散維摩大室幻來春

寒飈殘香已化塵空餘綠葉望中新一番風雨都無賴幾
日鉛華倍惱人曉露添時愁欲泣朝雲散去悟非真輸他
婪尾將離草猶殿江南綺陌春

次韻林崇達岵嶠碑榻本歌

儒生好奇事殘朽動稱沮頤與岵嶠烏蒙龍章必不傳此
石猶同此山久形模書法兩稱奇流落人間見者偶自從
夏如迄商周萬變曾經霹靂手厥後狂秦踐天位驅逐萬
姓探虎口旁搜四岳鞭海石傳會隸書變蚪斗六經灰塵
史官弃遂令乾坤絕樞紐嵒山伐樹神鬼悲厄運吁嗟值

陽九爾時此物何處藏恐是蛟龍扶之走石泐金銷人至
今高峙何嘗遭擊剝畧如列宿光麗天余亢亢房心胃柳
獨怪韓公數寶奇千搜萬索嗟無有廬陵夾漈共好古探
討終疑乏授受神碑欲出峰為摧竄伏山都走電毋斷奴
不燒光閃滅懸崖特立風颭劉遺體猶同筍簍銘曰嵒曰
鐘告我后漫疑出蛭與苔封一片南山比貞壽殷周盤詰
縱聲牙視此特毋喘然後更復縱橫字體工鐘鼎書應傳
法守飛鴻盤勢驟軒鋒老蛟連雲起嵒嵒自是飛龍倉帝
遺八體窮探識徒狃我憶當年聯肱初肇祥乃自嶺山首
金泥玉簡帝命之寶若元圭重尊由遂散四載遍八荒東

遠如方西至晉華山之冢喻山神或瘞以瑜祀以狗功成
祭告抵會稽萬國咸陳尊與凱淨埽山河十二州驅役百
靈執箕帚即今文字述明德詰曲猶堪辨跟肘古制遺留
孰共長年矢揮弓赤冀日光和苦縣總俗書後起誰能出
其右我生獨立千載下轉喜磨光還剗垢況復生平絕愛
奇見聞動欲咨奇者曾羨韓蕲石鼓歌對峙千秋空誰友
韻諧金石光能照便合宮懸奏矇眊那知君才亦足繼長
歌氣欲千斗斗感君豪放誦君詩勝似中山千日酒

觀瓶荷偶詠

繞出淤泥露氣濡明窗相對景偏殊月含斜影低將墜風

送微香遠欲無雨後池塘過野鴨水邊籬落響疎蒲分明
此恨何人見夢度烟波萬頃湖

立秋日作

西風颯然至池館倍清幽日夕露光下餘涼吹不休蟬聲
滿林響桐葉萬家秋為有安仁興蕭蕭始欲愁

秋夜同陳廣枏表兄育萬兄坐月

薄算生涼風庭樹微蕭瑟皓月出林杪雨洗寒光碧亭中
階下枝拂拂烟中翼暗蛩時一鳴草露泣微白幽人共欣
賞慰此風景多

談話解襟顏清思澹泉石緬懷塵外踪妙契從所適大快

遠如暗人語芳檐寂此時閑關生素心永不隔

雨後

空齋倏已暝靜坐寡儔侶深竹暗無風時聞墜殘雨蟲聲
霽後出夜景窗間吐不覺秋意多披襟已忘暑

望

切切聲何處秋蟲響倍微紙窗人語靜籬落豈花稀夜雨
寒將斷王孫暮不歸多應引愁思和月入簾幃

懷陳廣枏黃憶鄭子度子詠

寒月照軒屏清風動簾帷塔蕙無留芳天菊有殘枝盈盈
夕露滿感感夜蟲悲奈何當茲辰忽已傷別離念彼芳罇

譙怨此晨夕期汀洲采杜若安得遺所思

宿昔見君時歡樂殊未央繁文問金玉清言引蘭芳屢下
陳蕃榻共飲河朔觴良晨在何許佳會不可常昔為雲
與龍今為參與商君子幽巖居抗跡齊二方

謂廣枏伊余

獨緣念歲晏空相望迢迢矣黃鵠別悠哉孤鴈翔

日夕登河梁騁望寒溪側連山渺雲霧困江浩莫測青翠
方連綿迢遞屢迴直故人望不見目盡千里色豈伊一葦
杭愧少雙飛翼薄暮碧雲生所思長太息